

建康實錄

六

東坡先生集

卷六

建康實錄卷第十四

宋下

太宗明皇帝

廢帝諱昱

順帝諱准

太宗明皇帝諱或字弘炳小字榮期文帝第十一子

也元嘉十六年十月戊辰生二十五年封淮南王二

十九年改封湘東王孝武踐祚累遷鎮軍將軍景和

中位雍州刺史即本號開府儀同三司是歲入朝時

廢帝誅戮大目疑畏請公收上付廷尉將加禍害者數

十既而上意定明日應就禍上先已與腹心阮佃夫

王道生等密謀廢帝左右常慮禍人人有思志唯直

閣將軍宗越譚金童太一等數人爲其腹心並有幹

力在殿省莫敢動是夜賊等並外宿佃夫道兒因結
壽寂之等戮廢帝於後堂時十一月二十九日也事
定尚未知所爲建安王休仁便稱呂奉引上西堂登
御座召見諸大臣于時事出倉卒上失履跣至西堂
猶着烏帽座定休仁呼主衣以紗帽代引備羽儀雖
未即位凡衆事悉稱令書已未司徒豫章王子高山
陰公主並賜死宗越譚金童太一謀反伏誅十二月
庚申朔以司空東海王禕爲中書監太尉進鎮軍將
軍江州刺史晉安王子勛車騎將軍開府儀同三司
癸亥以新除驃騎將軍建安王休仁爲司徒尚書令
揚州刺史乙丑改封安隆王子綏爲江夏王

泰始元年冬十二月丙寅皇帝即位于大極前殿大赦改元賜人爵二級辛未改封臨賀王子產爲南平王晉熙王子輿爲廬陵王壬申以尚書右僕射王景文爲尚書左僕射癸酉詔分遣大使廣求人瘼乙亥追尊所生母沈婕妤曰宣皇太后戊寅改太皇太后爲崇憲太后立皇后王氏壬戌罷二銖錢江州刺史晉安王子勛舉兵反鎮軍長史鄧琬爲其謀主雍州刺史袁顗赴之壬申謁大廟甲申郢州刺史安陸王子綏會稽太守尋陽王子房臨海王子頊並舉兵同逆二年春正月乙未晉安王子勛僭即僞位于尋陽年號義嘉壬辰徐州刺史薛安都反甲午內外戒嚴司

徙建安王休仁都督征諸軍事統衆軍南討丙戌徐州刺史申令孫司州刺史龐孟虬豫州刺史鄒瑛青州刺史沈文秀冀州刺史崔道固朔州刺史行軍何慧文廣州刺史韋曇益州刺史蕭慧開梁州刺史柳元怡並同逆丙午車駕親御六軍於中興堂辛亥南豫州刺史山陽王休祐改爲豫州刺史統諸軍西討吳郡太守顧琛吳興太守王曇生義興太守劉延熙晉陵太守袁標山陽太守程天祚等並舉兵反鎮軍將軍巴陵王休若統衆軍東討壬子崇憲皇太后崩二月乙丑曲赦吳興晉陵義興山陽郡以吏部尚書蔡興宗爲右僕射以吳興太守蕭道成東討平晉陵

癸未曲赦江南五郡丁亥建武將軍吳嘉公率諸軍
破賊於吳興會稽平定三郡同逆皆伏誅輔國將軍
蕭道成前鋒東討輔國將軍劉劭前鋒西討賊劉胡
衆四萬據赭圻三月庚寅撫軍將軍殷孝祖攻赭圻
死之以輔國沈攸之代爲南討前鋒賊稍盛袁顗頓
鵲尾連營至蕪湖衆十餘萬丙申南徐州刺史桂陽
王休範摠統北討諸軍事戊戌敗尋陽王子房爵爲
松滋縣侯癸卯令人入米七百碩除郡減此有差壬
子斷雜錢專用古文錢癸丑原赦揚徐二州囚繫凡
逋亡一無所問夏五月丁酉曲赦豫州甲寅葬崇德
皇太后於循寧陵秋七月丁酉以仇池太守楊僧嗣

爲泰州刺史封武郡王八月己酉司徒建安王休仁
帥衆軍大破賊斬僞尚書僕射袁顗進討江郢荆襄
雍五州平之晉安王子勛安陵王子綏臨海王子頊
邵陵王子元並賜死同黨皆伏誅諸將帥封賞各有
差九月乙酉曲赦江郢荆湘雍五州守宰不得離職
癸巳六軍解嚴大赦賜文武爵一級戊戌以車騎將
軍江州刺史王玄爲左光祿大夫開府儀同三司鎮
軍將軍冬十月乙卯永嘉王子仁始安王子真淮南
王子孟南平王子產廬陵王子興松滋王子房並賜
死丁卯以郢州刺史沈攸之爲中領軍與張永俱北
伐戊寅立皇子昱爲皇太子曲赦揚南徐二州十二

月壬辰立建平王景素子延年爲新安王薛安都要
引魏軍張永沈攸之大敗於是遂失淮南北四州及
豫州淮西地是歲即魏天安元年

三年春正月庚子以農役將興詔太官停宰牛癸卯
曲赦揚豫二州庚午都下大雨雪遣使巡行賑貸各
有差二月甲申爲戰士舉哀丙子赦青冀二州
夏四月丙戌詔以故丞相江夏文憲王故太尉巴東
忠烈公抑元景故司空始興襄公沈慶之故征西將
軍陽肅侯宗慤陪祭孝武廟庭庚子立桂賜王休範
第三子德嗣爲廬江王立侍中劉軫第三子欽爲南
封王以奉廬江昭王南京哀王南豐哀王祀五月丙申

詔宣太后崇陵禁內墳塋遷徙者給葬直蠲復其家
壬戌以太子詹事袁粲爲尚書僕射秋八月壬寅以中
領軍沈攸之行南兖州刺史率衆北侵祭郊大赦景
午遷吏部尚書褚彥回慰勞緣淮將帥隨宜量賜九
月戊午以皇后六宮已下雜衣千領金釵千枚賜北
伐將士甲子曲赦徐兗青冀四州冬十月壬午改封
新安王延年爲始平王戊子蠕蠕國遣使朝貢辛丑
復郡縣公田進鎮西大將軍西秦河二州刺史吐谷
渾澤拾寅爲征西大將軍十一月立建安王休仁第二
子伯仁爲江夏王高麗百濟等並遣使朝貢是歲魏
皇興元年

四年春正月丙辰朔雨草于宮己未祀南郊大赦乙亥零陵王勗薨二月乙巳光祿大夫王玄謀薨三月交州人李長仁據州叛引妖賊攻廣州殺刺史羊希龍驤將軍陳伯紹討平之夏四月己卯復減郡縣田祿之半丙由改封東海王禧爲廬陵王山陽王休祐爲晉平王辛丑蠕蠕國河南國遣使朝貢五月乙巳曲赦廣州秋七月戊辰詔定黥刑之制有司奏自今凡劫竊執官仗拒戰邏司攻剽亭寺及傷害吏人并監司將吏自爲劫皆不限人數悉依舊制斬刑若遇赦黥額及兩頰劫字斷去兩脚筋徙付交梁寧州戍五人已下止相逼奪者亦依黥作劫字斷去兩脚筋

徙赴遠州若遇赦原斷徙猶黥面依舊移家口應及坐悉依舊結謫及上崩其例乃寢庚午上備法駕幸東宮小會赦楊南徐兗豫四州冬十月癸酉日有蝕之發諸州兵北伐

五年春正月癸亥親耕藉田大赦賜力田爵一級乙丑魏剋青州執刺史沈文秀三月庚申以太尉廬江王諱爲車騎將軍開府儀同三司南豫州刺史三月己巳河南國遣使朝貢六月辛未立晉平王休祐子宣曜爲南平王癸酉以軍興已來百官斷奉以給生食秋七月壬戌改輔國將軍爲輔師將軍九月甲寅立長沙王纂子延之爲始平王冬十月丁卯朔日有

蝕之十一月丁未魏人來聘十二月庚申分荆益二州五郡置三巴校尉

六年春正月辛未祀南郊乙亥初制二年一祭南郊一年一祭明堂二月甲寅大赦夏四月己亥立皇子燮爲晉熙王六月癸卯以鎮南將軍江州刺史王景文爲尚書左僕射楊州刺史以尚書僕射袁粲爲右僕射己未改臨賀郡爲臨慶郡追東平王休倩爲臨慶王秋七月丙戌臨慶王智井薨九月戊寅立摠明觀徵學士充之置東觀祭酒訪舉各一人舉士二十人分爲儒道文史陰陽五部學言陰陽者遂無其人冬十月辛卯立皇子贊爲武陵王十一月高麗遣使

朝貢十二月癸巳以邊難未息制父母隔在異域者
悉使婚官

七年春正月甲戌置散騎奏舉郎二月癸丑征西將
軍荊州刺史巴陵王休若進號征西大將軍及征南
大將軍江州刺史桂陽王休範並開府儀同三司甲
寅南徐州刺史晉平王休祐薨三月辛酉魏人來聘
壬戌蠕蠕國遣使朝貢四月辛丑減天下死罪一等
凡勅繫滯悉遣之五月戊午鳩司徒建安王休仁庚
午以袁粲爲尚書令褚彥回爲右僕射丙戌追免晉
平王休祐爲庶人秋七月丁巳罷散騎奏舉郎乙丑
江州刺史巴陵王休若賜死八月戊子以皇子躋繼

江夏文獻王義恭庾寅帝疾間大赦戊戌立皇子準
爲安誠王冬十一月戊午百濟國遣使朝貢是歲魏
獻文帝禪位于太子爲孝文皇帝改元曰延興

泰豫元年春正月甲寅朔上以疾未瘳改元丁巳巨
人跡見西池冰上會皇太子文貢計於東宮三月癸
丑朔林邑國遣使朝貢夏四月己亥上疾大漸加江
州刺史桂陽王休範位司空以中領軍劉劭爲尚書
右僕射鎮東將軍蔡興宗爲征西將軍開府儀同三
司荊州刺史郢州刺史沈攸之進號安西將軍袁粲
褚彥回劉貞蔡興宗沈攸之入問疾被顧命是日上
崩于景福殿時年三十四五月戊寅葬臨沂縣幕府

山高寧陵帝少而和令風姿端雅少失所生養於路
太后房內大明中諸弟多見猜忌唯上見親常侍太
后醫藥好讀書愛文義在藩時撰江左已來文章志
又續衛瓘所注論語行於世及即大位四方反叛以
寬仁待物諸軍有父子兄弟同逆者並授以禁兵委
任不異莫不盡力及平定天下逆黨多被全宥有才
能者並見拔用如舊臣才學之士多蒙引進於華林
園茅堂誦周易常自臨聽末年好鬼神多忌諱言語
文書有禍敗凶喪及疑似言應迴避者數百千品犯
者必加罪戮改駟馬字爲馬傍作瓜以駟似禍字故也
又嘗以南苑借張永去給三百年期滿更啓復命問

曰永不以爲少乎其事類如此宣陽門聞人謂之白
門上以白門之名不祥甚諱之尚書左丞江淹嘗誤
犯上變色曰白汝家門淹頓首謝罪久之方釋路太
后停屍漆牀移出東宮上嘗幸宮見之怒甚免中庶
子職局以之坐死者數十人內外常慮所犯人不
自得宮內禁忌尤甚校牀修壁必先祭神使文詞呪策
如大祭饗阮佃夫楊運長王道隆皆擅威權言爲詔
勅郡守令長一黜一除內外渾然官以賄進王阮之
家富於公室中書舍人胡毋顓者亦專所通奏無不
可時人語曰永綃閉眼諾胡毋大張橐永綃謂上也
及泰始泰豫之際吏惡虐好殺左右失旨忤意往往